

WONN DER'S MOOL DRECKICH GEHT Dischinger/Hotz

Wonn der's mool dreckich geht, dann denk an scheena Sacha.
Wonn der's mool dreckich geht, denk oifach driwwa nooch.

Dass morjads hell werd, unn d'Sunn widda scheint.
Dass d'Vegl widda singa unn d'Schbinna schbinna.
Un d'Biena uff da Blieda druffhocka, wie d'Regadropfa am Blatt dort sitza.
Un da Morjadau morjads em Morjalicht glitzert.

Wie da Schnee die Londschaft vazaubart,
unn die Kinna sich driwwa fraie, Oh isch des schee.
Weil se Schlidda fahra kenna unn sie baua große Schneemenner.

Unn sogar wonn's dunkl werd, siehsch du dort drowwa irgendwu an Schdern.

Du musch bloos gucka dass'n siehsch, un wonn'n wirklich nedd siehsch, dann
isch a ganz sicha hinna da Wolka, unn die sinn morja weg, odda iwwamorja,
Awa d'Schdern die sin do—un bleiwa do, un s'gibt jo so viel. Oin Schdern fa jedn.

Wonn der's mool dreckich geht, dann denk an scheena Sacha.
Wonn der's mool dreckich geht, denk oifach driwwa nooch.